



CANTIQ

CHRIST BRAS AN ITRON VARIA AR VUR,
BRÊMA EN ILIS SANT VAZE,
E MONTROULEZ.

Par Vienna

Var ton Guetz ar Burete.

EUR Vatimant nevez-flam a Rouantelez Franç
A zo bet êt mor bras evit poursui e chang.
Diou Vatimant d'ar zozon o deusi poursuiwet,
Sioas, a dennou canol evit e c'homeret.

Ar Vatimant eus a Franç, o sonjal achapi
A zo bet en eu: gavet e coste Barbari;
Eno e voe goloet eus a dennou canol,
Qen a sonjet voa collet e creis fons ar mor don.

Setu ta ar Vatimant ar vech-màn qemeret,
Hac ebars en abordach cals a dud zo blesset;
Demeus a zozon memes couls hac a gristenien
Gant ar barbaret neuze ne voe espernet den.

E fonç ar Vatimant Franç o deveus bet cavet



Eur Crusufi ar gaera a voa biscoas guelet;
 Eur Grusufi ar gaera a voe var an douar
 Abaoue ma zeo maro Jesus var ar C'halvar.

Pa veljont ar Grusufi a Jesus hor Zalver,
 Er commansjont da grial ha da lamet en er.
 Setu aman'r fals profet, Doue ar Gristenien;
 Goelomp hac en so capabl brema d'en eur difen.

Ar zozon, ar barbaret a ra un drajedi
 Gant ar Grusufi Santel er gær a Varbari,
 Demeus a dennou canol hac a dennou mousclet
 Ar Grusufi adorabl eus murail qær laqêt.

Ne voa payan na tiran na scouisent o clêvet
 Al leou, ar blasfêmou epo o deus losqet.
 Bras ê madeles Doue pa ne zint ecrazet
 Gant an tan pe ar gurun, pe en douar lonqet.

Guelomp ama, Christenien, pebes punision
 O deus bet ar barbaret qercouls hac ar zozon:
 An tan demeus an ênvou a so bet disqennet
 Var magazinou ar poultr, tri mil di zo losqet.

Setu ama eur miracl a gle touch ho calon,
 En deveus grêt hor Zalver en presanç ar zozon:
 An tan var ar Crusufi ar goad en deus scuillet
 Evel ma ras hor Zalver pa voe crusifiet.

Daou Dad Santel Cabucin, a urs Sant Mathurin

En em strincas d'an douar var bennou o daoulin,
 Hac e c'houlenjont ar C'hrist evit dont de brena,
 Hac e lacajent arc'hant da gontreposes ounta.

Ar zozon, ar barbaret an eur gavas contant
 O clêvet o devije eur som bras a arc'hant.
 Legit oc'h aour er valans da gontreposes anean,
 Hac o pezo ho Toue. It pa g'eret gantan.

Clêvit amàn' tud devot, tud pinvidic pe baour;
 Laqêt vœ ar Grusufi da boeza gant an aour:
 Pemp cant liour a oa ennàn p'oa laqet er valans;
 Pem louis aour e save, ha c'hoas o devoa lans.

Omàn so eur Grusufi a so miraculus,
 Hac a so ar guir bortret eus hor Zalver Jesus,
 Pa voa ganemp er bed-ma leun demeus a vue:
 Meulet ra vezo Jesus en douar hac en ên.

Antreet eo ar Vatimant e Rouanteles Franç,
 Ergær eus a Voutroulez gant peb seurt assurang;
 Ar c'hleier a Voutroules o unan a zonne,
 An oll a voa estonet o velet gemense.

Ar Crusufi adorabl, rentet e Montroulez,
 Garg'et ebars en eur c'har evit mont var a mes,
 Eis aneval voa ontan vit e gas da Blourin;
 Eqichen Ilis ar Vur e chomas a la fin.

Ebars en qær Montroulez, en ti Guerc'hes ar Vur,

Voa guechal ar Grusufi visitet gat tud fur ;
 Eno ezeo bet chomet nombr bras a vlaveziou ,
 Hac epad an amzer-ze' rê cals a viraclou.

Aboe ma zê distrujet an ilis devot se ,
 Ema'r Grucifi gaer-ma en ilis Sant Vaze ;
 Itton Varia ar Vur a so ive enni ;
 Rac se ta, oll Vretonet, demp ep fot d'o fedi.

Habitanter Breis-izet, deut oll da Zant Vaze ,
 Deut da offr o pedennou da Rouanez an ên ;
 Ma no c'heus afflicsion, deut a greis o calon
 Da visita'r plaç santel gat guir devosion.

Cals a so a Christenien pere ne sonjont qet
 Eve necesser ar groas evit bea salvet ;
 Birviquen den ne antre en Barados Doue ,
 Ma na zougont qet ar groas etro pad o bue.

An oll Sent ha Senteset o deveus bet doug'et
 Ar groas demeus a Jesus so bet crusufiet ;
 Oll ebestel hor Zalver so bet merzeriet ,
 Hac ar profet Isai a so bet esqennet.

Hor Mam Santel an Ilis a deu d'on exorti
 Da gavet recours d'ar groas etro pad hor bue ;
 En heur hor maro memes en hor Sacramanchou ,
 Dre ar groas e comancer an oll foncsionnou.

Croas an honor a Jesus a so qer puissant

Mar ra d'an oll diaoulou tec'hel en un istant
 Deus ar bec'herien memes, mar goulenont pardon
 Digant Jesus hor Salver deus a greis o c'halon.

Pa deui Satan d'o tenti, resistit gat courach,
 Roit ho calon da Jesus hac e trec'het al las,
 Grit sin ar groas var ho tal ha var boul ho calon,
 Galvit Jesus d'o sicour, sonjit er Bassion.

Setu aze, Cristenien, histor ar Crusufi,
 Deomp oll d'e adori hac ar Verc'hes Vari;
 Induljançou cals memes a so bet acordet
 Da neb zougo aneze gant devosion barfet.



G U E R Z

VAR BASSION JESUS-CHRIST.

*par M^r Le jeune curé de plouyval
 ——— chef d'œuvre*

Var an ton ancien.

ELLES an ên, deut d'an douar,
 Disqennit var menes Calvar,
 Da ober canvou d'hor Zalver,
 Pa ne gar ar bed o ober.

Me o ped, Sant Mikael eurus,
 Ha dreist an oll, c'houi, Mam Jesus,
 Obtenit deomp ur c'heus santel,
 Da ouela e varo cruel.

Hor c'halon a dleffe ranna
 Gant ur glac'har an estrancha,
 O consideri e boanniou,
 Hac o velet e c'houliou.

Pa gonsideran e boanniou,
 Pa zonzàn en e dourmanchou,
 Pa ya va speret er C'halvar,
 E rann va c'halon gant glac'har.

Sellit, pec'herien, ouz ho Tad,
 Sellit maro e zaoulagad,
 Ha gant ar spern treuzet e ben,
 Antreet ebarz e empen.

Sellit e faç qer leun a voad
 Sellit e zaou zorn, e zaou droad,
 A so stag'et gant an tachou
 En deus forjet hor pec'hejou.

Sellit e gostez gouliet,
 Sellit e gorf crucifiet;
 Mar o sell ho calon hep qeus,
 Ezeo grêt a zir ma na deus.

An douar a deu da grena,
 Ar vein a deu d'en em frailla,
 An eol, al loar hac ar stered
 A gus o faç gant ar regret.

Ha c'houi, pec'herien obstinet,
 Ne rit seblant na cas ebet
 Evit guelet maro ho Roue,
 Ho Tad, ho Salver, ho Toue.

Goas oc'h eg'et e vourevien,
 Goas oc'h eg'et ar yudevien,
 Rac darn anezo, pa varvas,
 A oue touchet gant ur c'heus bras.

Arreze n'en anayen get,
 O sonjal voa ur fals Profet;
 Mes c'houi, pec'her, a oar piou ê,
 C'houi oar ez eo guir Vab Doue.

Bep pec'het marvel oc'h eus gret,
 Ouc'h ar groas oc'h eus er stag'et,
 Ha digoret a nevez flam
 E c'houliou, pebes estlam !

Mar oc'h eus ounta nep truez,
 Chenchit brema ho coel vuez,
 Chenchit-eta, chenchit affo,
 Hac e dourmanchou a cesso.

Grit oc'h examen dilijant,
 Goulennit pardon fervamant,
 Grit prest ur guir govession,
 Gant glac'har ha gontrision.

It d'en em reconsilia,
 Hep differi, gant ho nessa;
 Grit d'an oll satisfacsion,
 O pardoni a vir galon.

O pedi, o rei aluzen,
 O yun, o chober pinijen,
 E consolot ho Tad Jesus
 En e Bassion truezus.

Ha c'houi, va Zalver, va Doue,
 Pa guitai va c'horf va ene,
 Recevit-y, me o suppli,
 E mesq an Ales d'o meuli.

FIN.

E MONTROULEZ, eus a Imprimeri LEDAN.